

以道佐人主者不以兵強天下其事好_耗還_耗 故善者果而已_{言以矣}不敢以取強焉果而勿矜果而勿伐果而勿驕果而不得已果而勿強物壯則老是謂非道非道早已

以用道佐輔人主者不以兵強取勝於天下夫舉兵加彼彼必應之其事既好還報則勝負反復矣夫兵者凶器也師_{用官自}

則勝負反復矣夫兵者凶器也師_{用官自} 故荆棘生焉大軍之後失於耕治必有飢

歲凶年故善_稱之用兵者果_{下也}而已矣 不敢以取強焉果而勿自矜果而勿克伐

果而勿生驕果而不得已而用之果而勿恃強夫物盛則衰至理必然物之用壯如兵之恃強物壯則老兵強則敗是謂非道

非其道也宜當早已_也

夫佳兵者不祥之器物或惡之故有道者不處是以君子居則貴左用兵則貴右兵者不祥之器非君子之器不得已而用之恬惓為上故不美也若美必樂_{下也}之樂之者是樂

殺人也夫樂殺人者不可得志於天下矣吉事尚左凶事尚右是以偏將軍處左上將軍處右言居上勢則以喪禮處之殺人衆多以悲哀泣之戰勝則以喪禮處之

兵以濟難由如毒藥不可為常夫佳_{夫好} 兵者不祥之器有好勝之心而妨道德萬

物或惡之故有道者不處於佳兵是以君子居則貴左左為陽陽主生用兵則貴右

右為陰陰主殺故知兵者不祥之器非君子之器禁暴救亂不得已而用之治國之

道恬惓_{安靜}為上故兵不可美好也若美之者是必樂之樂之者是樂殺人也夫樂

殺人者人不親之則不可得志於天下矣故吉事尚左凶事尚右是以偏_則將軍處左_{左方之右為}左主生上將軍處右右主殺

言居上將之勢則以喪禮處之何謂也謂殺人衆多以悲哀泣之用戰勝取強則以喪禮處之也

道德真經直解卷之二

道德真經直解卷之三

本來自子邵若愚直解

清河居士張知新校正

道常無名朴雖小天下莫能臣侯王若能守萬物將自賓天地相合以降甘露人莫之令

知止所以不殆 大道虛無而常無名自无始化一氣一氣者有而未形名之曰朴其朴比大道雖小然為萬物母故天下莫能臣_下侯王若能

守其朴萬物將自賓_也以一治天下譬如天地之氣相合以降甘雨潤露普徧人莫之令而自均大道因朴始立制而有名名亦既有夫亦將知止若不止則散失其朴知止所以不殆而可長久

譬道之在天下由川谷之與江海也知人者智自知者明勝人者有力自勝者強知足者富強行者有志不失其所止者久死而不亡者壽

譬道之在天下由_也川谷之水皆與歸於

江海也喻天下萬事總歸於道夫視其所
以觀其所由察其所安知人者不過用智
人皆以智為明不如反智於內而自知自
知自理者是謂明勝人者不過有剛強謀
略豐財銳勢為力不如息力休心萬境不

動而自勝自勝者是謂強世以財厚為富
雖厚有盡但知自心本來具足用無窮盡
者是謂富世間所學皆小志惟強行於道
者謂之有志孔子志從事皆合於道是故
不失其所止者乃能久形雖死而性不亡
迷也處於不生滅之鄉萬劫常存者是謂
壽

大道汎兮其可左右萬物恃之以生而不辭
功成不居衣被萬物而不為主故常無欲可
名於小矣萬物歸焉而不知主可名於大矣
是以聖人能成其大也以其不自大故能成
其大執大象天下往往而不害安平泰

大道汎兮言無定位也謂可大可小故其
可左右何謂可小夫道萬物恃之以生而
不辭謂如春功用備成至夏則春意不居

當春之時萬物衣被而不為主宰故道常
無欲於物則可名於小矣何謂可大夫萬
物總歸於道焉而不知主可名於大矣是
以聖人能成其大也而效其道為而不恃
功成不居以其不自為大之跡故能成就

其大執此大象以治天下無不歸往民往
之者緣往而不害故也所以天下安平泰
樂音與餌過客止道之出口淡乎其無味視
之不足見聽之不足聞用之不可既

世俗帶五音之樂與飲食之餌百年之間
如待過客止道之出口淡乎其無味然而
視之不足見聽之不足聞使之治國治家
治身至於生之前死之後用之不可既也
將欲歛吸也之必固張之將欲弱之必固強之
將欲廢之必固興之將欲奪之必固與之是
謂微明柔之勝剛弱之勝強魚不可脫於淵
國之利器不可以示人

將欲歛之必固張之將欲弱之必固強
之將欲廢之必固興之將欲奪之必固與
之陰根於陽此必然之理識事之理者是

謂微明故知柔之勝剛弱之勝強也夫魚
不可脫離也於淵也如國之利器也水不可以
示明也人若示人則如魚離水設符璽表信
制科秤令平此便國之利用將欲救弊必
固轉生不淳蓋不察微明之義

道常無為而無不為侯王若能守萬物將自
化化而欲作吾將鎮以無名之朴無名之朴
亦將不欲不欲以靜天下將自正

治天下之道常處事於無為而天下無不
為治也侯王若能守無為萬物將自化
而有欲作起也者吾將鎮安也以無名之朴無
名之朴者亦將不欲是也不欲則以靜所
以天下民心將自正

上德不德是以有德下德不失德是以無德
上德無為而無以為下德為之而有以為上
仁為之而無以為上義為之而有以為上禮
為之而莫之應則攘臂而仍之故失道而後
德失德而後仁失仁而後義失義而後禮夫
禮者忠信之薄而亂之首也前識者道之華
而愚之始也是以大丈夫處其厚不處其薄

居其實不居其華故去彼取此

太古之時上德不顯其德是以有德至伏羲之時造書契定婚姻之類因顯其德而為下德然雖不失德因有為德之跡是以無德夫上德者用無為之治而無以為事

下德用有為之教而有以為事也至堯舜之時上以仁受人利人之德為之治化而無以為事其次至三王上生可否之義分別為之而是有以為也其次至五霸上體事之禮而為之治何期禮出詐生而民莫

之應用禮立法欲人懼刑而從仁義如是則撥以手舉臂而使民仍也之故因失道而後用德失德而後用仁失仁而後用義失義而後用禮失禮者救世之法而以信為本緣忠信之薄而為亂之首也如前

代顯智識治世者乃道之華非道之實因徇其華而愚民之始也是以大丈夫處其忠信之厚不處其忠信之薄居其道之實不居其道之華故去彼華薄取此實厚

昔之得一者天得一以清地得一以寧神得

一以靈谷得一以盈萬物得一以生侯王得一以為天下正其致之一也天無以清將恐

裂地無以寧將恐發神無以靈將恐歇谷無以盈將恐竭萬物無以生將恐滅侯王無以為正而貴高將恐廢故貴以賤為本高以下

為基是以侯王自稱孤寡不穀此其以賤為本耶非乎故致數譽無譽不欲碌碌如玉珞珞如石

夫一者萬物之母也萬物皆自一生故得一則昌失一則亡老子言昔之得一者天得一以清而覆地得一以寧而載人

之神得一以靈神類用三才之間四方上下為谷得一以盈萬物得一以生矣侯王理世得一為法以為天下正其各致之一也若天無下月一以清將恐拆裂地無

一以寧將恐發泄水大風神無一以靈將恐其神歇散也谷無一以盈將恐宇宙竭盡也萬物無一以生將恐生化滅侯王無一以

為正而恃我之貴高失於恭謙將恐其位也故處於貴者以賤為本處於高者以

下為基是以侯王自稱孤小失父寡夫曰寡不穀者以其就下此其以賤為本耶非

手將認我之貴高故致數不一譽譽者毀之基不若無譽故不欲碌碌如玉之譽者不致珞珞如石之毀也

反者道之動弱者道之用天下之物生於有有生於無

馳心於外者不若反心於內故反者乃道之動動而反歸無心曰弱者乃道之用也世人只知天下之物生於有不知有本

生於無故知無者道之用也
上士聞道勤而行之中士聞道若存若亡下士聞道大笑之不笑不足以為道

上士下學也聞道能生實信勤而行之故云上士中士聞道胸中無主若存若亡故云中士下士聞道塵重業深聞說其心不依

一法兀然無事具足道德必大笑之下士聞而不笑者必是奇怪矯妄有為法術此不足以為道
故建言有之明道若昧夷道若顛未進道若

退上德若谷太白若辱廣德若不足建德若
偷質真若淪大方無隅大器晚成大音希聲
大象無形道隱無名

故建也言有之老子引先明道若昧無得
故若夷也道若類無訟故若類進道若

退不用心智上德若谷心大虛能容
白若辱無為而為廣德若不足大德之士

不足建德若偷行無跡質真若淪淪變
安委故若淪大方無隅道場故無隅大
器晚成方深究竟大音希聲白開已上十

一句言大象無形由道隱無名之謂也

夫惟道善貸大且成道生一一生二二生三
三生萬物萬物負陰而抱陽沖氣以為和

夫惟道善貸曰貸與陰陽生化而且成終
復歸道自道生一氣一氣分而生二儀二

儀生化以一氣為主以一合二故云三一
氣在陰陽之中故名沖氣以三能生萬物

故萬物無不負也陰而抱也向陽皆仗沖氣
以為和之本

人之所惡惟孤寡不穀而王公以為稱故物

或損之而益益之而損人之所教我亦義教
之強梁者不得其死吾將以為教父

人之所惡惟孤寡不穀而王公以為稱者
何也理世之道以謙下為法故物或損之

者而受益益之者而見損故知謙者受益
此古人之所教也老子曰我亦以謙為義

而教之夫何故見恃強梁者不得盡其理
而死老子曰吾將謙道以此為父教

天下之至柔馳騁天下之至堅無有人於無
間是以知無為之有益也不言之教無為

之益天下希及之矣
天下之至柔者無心之心又玄是也人能
馳騁至柔此天下之至堅而不壞者云不

見頭也無手也無以無為有故曰無為入於
不生滅之鄉萬劫長存更無間斷是以知

無為之有益也此不可言及之教老子嘆
曰無為之益天下希及之矣

名與身孰親身與貨孰多得與亡孰病是故
甚愛必大費多藏必厚亡知足不辱知止不

殆可以長久

高名與身二者孰親身與財貨二者孰多
因名利而生得與亡孰病是故甚愛名

者必因名大則費多藏貨者必因貨厚
而亡也居名知足則不辱居貨知止則不

殆可以長久
大成若缺其用不敝大盈若沖其用不窮大

直若屈大巧若拙大辯若訥躁勝寒靜勝熱
清靜為天下正

大成者反若也缺不完故其用不敝也
大盈者反若沖也故其用不窮也大直

者不申反若屈大巧者藏智反若拙大辯
者不言反若訥是以缺能勝成虛能勝滿

屈能勝直拙勝巧訥勝辯如躁勝寒靜勝熱
靜勝熱則靜此者如藥對病惟清靜無為

能空萬境而絕對治乃為天下正
天下有道却走馬以糞天下無道戎馬生於

郊罪莫大於可欲禍莫大於不知足咎莫大
於欲得故知足之足常足矣

古之兵即農也農即兵也有事則征無事
則耕天下有道民各安業却也走馬戰士

以糞田疇修治農事天下無也道兵戎之馬離王城三十里為近孽生於郊郊六十里為遠郊亡道之由罪莫大於縱心可欲禍莫大於貪心不知止足怨莫大於專心欲得夫罪禍皆因欲起若心無欲故能知足其心之足所遇而常足矣禍咎自除何罪之有

不出戶知天下不窺牖見天道其出彌遠其知彌少是以聖人不行而知不見而名不為而成

夫道均化於萬物而知道在我矣欲見道者不須出戶但推照一心其一與萬物一皆同故能知天下萬物也若更能棄推照之迹心無繫著則不須窺牖向外而見天之道也若向外求之於算數求之於陰陽求之於人事其出彌遠則其知彌少矣是以聖人不行而知萬物之性不見而名天之所造者而在不無為而成

為學日益為道日損損之又損以至無為無為而無不為矣故取天下者常以無事及其有事不足以取天下

為學者日務滋益是也為道者日損萬緣是也夫為學務益者有二病一者讀誦抄寫持事多聞名著事二者尋於書義窮究文理名著理此皆心有所著故當損之夫為道務損者亦有一病一者斷除妄想心外求靜名執無二者併去塵緣專守一心名執有此皆心有所執宜又損之損去為學為道之心離者離執以至無為之道無為者是無心而為也無心非滅也謂無一切心名曰無心無心而為自然境空任其耳目而視聽自除從其貧富好醜自滅運水般柴役遊於世而無所累故無為而無不為用矣故以道取治天下者常以無事及其有事不足以取治天下

聖人無常心以百姓心為心善者吾善之不善者吾亦善之德善矣信者吾信之不信者吾亦信之德信矣聖人之在天下惴惴為謂天下渾心百姓皆注其耳目聖人皆孩之聖人無欲無為無常處之心以百姓之心應事而為心繫辭云寂然不動感而遂通天下之故因事顯

心而見其德善者吾善之有不善者聖人不分別吾亦善之因亦善之德化百姓善矣信者吾信之有不信者聖人不分別吾亦信之因亦信之德化百姓信矣是故聖人之在天下不疑於物則天下物自信不私於物則天下物自公不貴於珍天下自不貪不奢侈天下自從儉用其實天下自不偽崇其謙天下自不爭如此惴惴為天下渾心百姓皆注其德於耳目聖人處無心於事皆孩之也

出生入死生之徒十有三死之徒十有三民之生動之死地亦十有三夫何故以其生生之厚蓋聞善攝生者陸行不遇兕虎入軍不被甲兵兕無所投其角虎無所措其爪兵無所容其刃夫何故以其無死地

世人有心出於外體天地陰陽為法存想激嚙吐納般運之類而求長生者又有心入納於內沉空瑯靜昏憒如死者老子以十分為率而言之生之徒十分中有三分死之徒十分中有三分死之徒十分中有三分死之徒十分中有

三分又有民釋曰衆生儒曰之緣求養生動之死地亦十分中有三分老子自微問夫民以衣食養生何故動之死地以其緣貪生生之過厚故也三三類九皆不取者緣生之徒心著有死之徒心著無民之生心著境三者心有所著皆居生死之地蓋聞善攝無生者離外境離二邊都無所著不立於心見如不見來如不來身心一如故陸行不遇兇虎入軍不被也甲兵兇無所投其角兇如牛角青重千斤一角如鞭長三尺餘虎無所措其爪兵無所容其刃而使猛獸兵刃不能加害夫何故以其心無所著行住坐卧心常虛寂虛即無相寂即無生緣其無生故無死地

道生之德畜之物形之勢成之是以萬物莫不尊道而貴德道之尊德之貴莫之爵而常自然故道生之畜之長之育之成之孰之養之覆之生而不有為而不恃長而不宰是謂玄德

萬物因道而生之因德而畜之物之形

賴生畜之勢而成之是以萬物莫不尊道而貴德也且道之尊德之貴其理莫之爵而常自然矣是故萬物皆自道生之畜之長之育之成之孰之養之覆之也然因道生之而不見其有因德畜之養之育之為而不恃乃至成之孰之長之而不為主宰此莫知爵而常自然矣是謂玄德

天下有始以為天下母既得其母以知其子既知其子復守其母沒身不殆

列子云夫有形者生於無形故天下有之始者無也以無為天下母既得其虛無為母以知其萬物皆子既知其子當復守其母人能以心合無如子歸母則沒身不殆塞其兌閉其門終身不勤闢其兌濟其事終身不救見小曰明守柔曰強用其兌復歸其明無遺身殃是謂襲常

眼耳鼻舌身意謂之六入因六入而妄生諸緣而為禍之門也老子使人塞其兌為兌閉其六入之門是也貪癡既息則終身不勤也若開其兌濟其事納諸妄緣則終

身不救夫六入以心為根但除其根則境自滅故老子曰見小曰明名於小見守柔曰強天下之應物隨俗則用其先內心虛靜是復歸其明見小曰明明於也誠之曰無遺其言失之則為身殃不遺其言是謂襲常也

使我介然有知智行於大道惟施是畏大道甚夷而民好比徑朝甚除田甚蕪倉甚虛服文采帶利劍厭飲食資財有餘是謂道諄非道也哉

莊子曰道無問問無應故大道離言而不可以視聽求不可以思議知不可以語言及應有所施智行言於道者是可畏也故老子曰使我介也然有智行於大道惟施是畏實告之曰大道甚夷也謂無為無事緣而民以好徑務一時智識趣向有為又況當時朝廷矜智尚術甚除其道田甚蕪倉廩甚虛人競外華衣服文謂之文采帶權勢若利劍厭飲食驕於味畜資財圖有餘是謂口道言諄道德理非道也哉

觀其世道而范此言是以可畏

善建者不拔善抱者不脫子孫以祭祀不報修之身其德乃真修之家其德乃餘修之鄉其德乃長修之國其德乃豐修之天下其德乃普故以身觀身以家觀家以鄉觀鄉以國觀國以天下觀天下吾何以知天下之然哉以此

善建也德者用之不拔也善抱也德者守之不脫也如子孫相傳以祭祀不報也修之於身其德乃真修之於家一家皆修其德乃餘修之鄉一鄉皆修其德乃長修之國一國皆修其德乃豐修之天下天下皆修其德乃普故以修身之德觀身以修家之德觀家以修鄉之德觀鄉以修國之德觀國以修天下之德觀天下承承其德用之不盡若子孫祭祀相傳不止也老子曰吾何以知天下之然哉以此修身之德

道德真經直解卷之三

道德真經直解卷之四

本來子孫若愚直解
清河居士張知新校正

舍德之厚比於赤子毒虫不螫切夫猛獸不據攫攫鳥不搏骨弱柔而握固未知牝牡之合而峻也作精之至也終日號而嗷不嗷一和之至也知和曰常知常曰明益生曰祥心使氣曰強物壯則老是謂不道不道早已

舍也至德之厚也保者其行者可比於赤子赤子外無物情內無其心無心則物不為對故毒虫不螫猛獸不據攫鳥不搏赤子骨弱柔任手而握物牢固未知牝牡之配合而峻也作精者至精之至也赤子終日號而嗷不嗷者至和之至也至和之至也能知無心至精至和曰常知此常乃曰明不明常理百端滋益其生此曰凶祥也或用心使氣令體盛實此曰暫強乃是術法而非道也夫體盛氣強知物恃壯物壯則老是謂不道不是道宜當

早已也

知者不言言者不知塞其兌閉其門挫其銳解其紛和其光同其塵是謂玄同不可得而親不可得而疏不可得而利不可得而害不可得而貴不可得而賤故為天下貴

自悟自知者不可言若辯於言者則不知欲求不可言及之道者但塞其兌閉其門挫其心之銳解其事之紛應事則和其光處世則同其塵常應常靜是謂玄同自然無憎無愛所以親疎自平利害自除貴賤自滅使萬物不可得而親不可得而疏不可得而利不可得而害不可得而貴不可得而賤諸緣俱息打斷情見蕩然自在獨起萬法故為天下貴

以正治國以奇用兵以無事取天下吾何以知其然哉夫天下多忌諱而民彌貪人多利器國家滋昏人多伎巧奇結物滋起法令滋彰盜賊多有故聖人云我無為而民自化我好靜而民自正我無事而民自富我無欲而民自朴其政悶悶其民淳淳其政察察其